

國朝詩人徵略

國朝詩人徵略卷二十三

番禺張維屏子樹輯

施世綸

字文賢漢軍人官至漕運總督有南堂詩鈔

世綸靖海侯烺子襲爵

熙朝雅頌

文賢初知泰州廉而勤康熙二十七年淮安被水

詔遣兩大臣督隄工從者數十輩騷擾閭里文賢白其不法者治之是年湖廣兵變援剿官兵過境沿途侵奪文賢具芻糧以應而令人各持梃列而待有犯者立擒治之兵皆斂手去二十八年擢揚州知府

駕方南巡召對良久顧左右曰此天下第一清官也尋改
江寧府以父憂去官乞畱者萬人不得請乃人投
一文錢建雙亭于府衙前名一文亭五十四年出
爲漕運總督五十九年陝西旱大饑轉河南粟二
十萬石給關中

詔文賢勘黃河運道乃自孟津歷砥柱上龍門由陝州達
西安量地險易酌舟多寡遂抵西安其年冬

詔發帑金倉粟賑飢民文賢因歷陝境分十二路遣能吏
按口分給遠近悉徧明年得雨乃歸淮安民間老

幼泣送數十里建生祠祀之

測海集

南堂惜花詩云惟有多情雙燕子朝來猶是惜香

泥先生吏才強幹而詩情乃婉麗如此

聽松廬詩話

摘句 野水凍魚罾梅花橫古渡驛騎響霜橋雞

聲林外度漸聞出作喧已覺邨原赴羣動
皆有營疇能不行露

愛山移舫對隔水問花多

水氣涼疑雨松聲瀉似濤

童洗舊泥硯鳥窺新草書

飛花懸隙網行雀上空階

竹間吟罷風能和花底夢歸身覺香

和素

字存齋滿洲人官至內閣侍讀學士

琴譜合璧和素撰取明楊掄太古遺音譯以

國書是亦操縵家特創之製爲古所未有者矣

八旗通志

摘句 萍添新漲綠燕補舊巢泥

落花故故添離恨殘柳絲絲綰暮煙

張廷枚

字卜臣漢軍人官福建布政使有春暉堂詩鈔

廷枚嘗奉

命出使朝鮮國齋所

賜空青石於其國王

八旗通志

張嘗三使高麗各有詩紀事子贈詩一參羽獵長

楊乘三繪宣和奉使圖

榕城詩話

摘句 道在寧違俗才高不療貧

興酣雄劒動吟苦夜蛩知

垂簾莫放西風入畱取寒香在草堂

瓶花

高 斌

字東軒滿洲人官至大學士諡文定有固哉草

東軒相公研窮易理居己廉靜待人以誠與之交

者必使之得其意而去

國朝詩別裁

摘句 細尋天下樂究竟讀書深

四方有志惟男子五十無聞畏後生

未探理窟難言命深歷官場始悟非

會心每以臨流遠得句偏於對客多

固哉此叟詩無味老矣其人心可憐

白題詩草

何當久客思鄉里小住江南十五年

藍鼎元

字玉霖號鹿洲福建漳浦人貢生官廣州知府有

鹿洲集

平臺紀略藍鼎元撰是編紀康熙辛丑平定臺灣

逆寇朱一貴始末鼎元之兄廷珍時爲南澳總兵
官與福建水師提督施世驃合兵進討七日而恢
復臺灣旋擒一貴鼎元在軍中一一親見故記載
最悉所論半線一路地險兵寡難於鎮壓後分立
彰化一縣竟從其說至今資控制之力亦可謂有

用之書矣

提要四庫

鼎元有臺灣近詠十首番俗夷情洞若觀火

赤崁筆談

鹿洲公案二卷藍任庵先生自述其領縣時所讞
之獄也許青士觀察重爲校刻昨貽余一帙讀之
歎其精敏之心果斷之識誠足爲牧令之標準矣

讀至仙村樓一則令人歎縣令之難也夫以巨盜馬仕鎮負隅悍驚爲患鄉閭先生旣以計獲之而上官文移駁詰往返經年竟未獲按法懲治萬一漏網則愈肆其毒矣嗟乎縣令中有心爲民除惡者難得其人有其心矣又患無其才有其才矣又以文移駁詰累月經年而卒未能置盜于法如是則惡人何所畏哉惡人畏而善人乃可安也吾乃今而益歎鄭大夫以猛之所以爲惠人也

聽松廬文鈔

摘句 爲火莫爲水救時之良藥

臺地一年耕可餘七年食今歲人有秋倉

儲補云急穀貴慮民饑穀賤農亦惻

諸羅千里縣內地一省同萬山倚天險諸
港大海通廣野渾無際民番各喁喁不爲
分縣理其患將無窮設令居半線更添遊
守戎健卒足一千分汎扼要衝臺北不空
虛全郡勢自雄

樓 儼

字敬思號西浦浙江義烏人官江西按察使有蓑
笠軒僅存稿

康熙四十六年

聖祖南巡儼獻織具圖詩詞

欽擢第一學士孫愷似薦儼分纂詞譜有宋詞四聲二十

八調考略白雲詞韻考略詞韻人聲考略皆可爲

詞學津梁

金華詩錄

西浦會駁正萬氏詞律百有餘條最中竅要

湖海詩傳

摘句 秋到月逾白暑微風漸清

銀箏檀板尋常事譜出英雄淚幾行

方還

字冀朔號靈洲廣東番禺人貢生有靈洲集

冀朔賦舊邊詩九首按切時勢同人嘆服

詩別

冀朔奉考命卜居於蘇母鍾愛二妹因厚於妹婿
家以承母志婚喪循九谷公所定家訓不惑二氏
九谷公故以詩鳴靈洲兄弟紹承之詩人來吳者
每登廣歌堂賦詩飲酒

歸愚
文鈔

摘句 赤山寒谷驚烽燧青塚秋原入駱駝誰使

總戎移逸地偏頭空曠牧人過

自註嘉靖
中撫臣請

移總兵於寧武而偏
頭一帶地皆空虛

膏腴昔日稱蕃庶蹂踐連年盡草萊欲識

金城舊方略濬渠卽是靖邊才

自註修復
秦漢故跡

邊城外固溝渠內深以
資灌溉全陝之利也

方朝

字東華號寄亭廣東番禺人太學生有勺園集

吳中二方之名傾動藝苑

歸愚文鈔

與兄還學本庭訓稱廣南二方

粵東詩海

東華五古渾樸近陶道鍊近謝自是高手

聽松廬詩話

標題

力田二首

五古

出峽

五古

碧落洞

五古

摘句

動物各有常運會非人力

客行路紆迴我影忽左右

託根多在石爲性不知寒

詠菴

江星動魚脊山果落猿懷

朱楷

字翰仙浙江遂昌人諸生有梅岡集

翰仙中年病喘偃僂室中恆以藥瀋和墨

兩浙翰軒錄

摘句 山河孤月照天地一蟲吟

雨來鳴遠樹雲斷露幽亭

坐看蟲食葉化作蝶尋芳

蝸牛入席問奇字蟋蟀登階聯苦吟

古意尙聞童子語天真猶見醉人心

屈明洪

字甘泉號鐵瓢廣東番禺人貢生官教諭

關凌雲檢討謂嶺南三家屈公爲最嗣君鐵瓢浸

淫家學錚錚爲後起之杰

嶺海詩鈔

摘句 漁父何妨笑湘纍自有真

纖波洛浦年年綠皎月蓬山夜夜高

陳世和

字聖取一字時一廣東順德人貢生官縣丞

天牧惠公來粵視學賞譽者數十人惟何西池羅

石湖蘇古儕陳時一勞阮齋陳鰲山吳南園吳竺

泉投契最深有惠門八子之目

粵臺徵雅錄

摘句 旅人今萬里孤子又三年

母在鷓鴣行不得貧來杜宇怨當歸

賽音布

字九如號岬亭滿洲人官吏部筆帖式以薦入

實錄館有宜園集溯源堂詩

九如日事嘯歌一字不安其稿立毀

雅頌 熙朝

摘句 風定樹猶怒日高霜正飛

自驚容鬢改恐作死生分

聊將詩度日直以道安貧

阜帽不歸還歲暮朱門雖好亦天涯

訥爾樸

字拙菴滿洲人世襲一等男有割沙集

拙菴十三年居窮髮之地吟誦弗輟

雅頌 熙朝

摘句 元始命還由我造維摩病豈待人醫

奇特機鋒非妙諦尋常衣飯是真修

瓊山說鬼孤鐙雨松院遊仙一枕風

易宏

字渭遠號秋河廣東番禺人有雲華子詩集

吳畱村總制兩粵見其海幢寺題壁詩禮致幕下

及遷瀋陽邀之行因徧歷宇內五嶽登其四

嶺海詩鈔

摘句

亂世霸圖空草竊成名豎子亦英雄

覽古

三秋白草黏天去萬里黃河圻地來北望

何 霨

字雨望號小山廣東新會人貢生

與兄大山齊名傾金結客無少惜

詩國朝精華

摘句

入巖初路黑透罅小天陰

七星巖

高塔當山插孤城對水開

萬安縣

檢點醫方期益壽驅除思慮恐妨眠

似有佳期偏待我春風桃柳石城西

方貞觀

字南堂江南桐城人諸生有南堂詩鈔

康熙癸巳以族人牽連隸旗籍雍正元年放歸屢

客揚州左都御史興縣孫公所薦辭不就試詞科掌錄

南堂戲示小婢詩云可能便結垂簷子自顧將爲

就木身好似遠行舟楫具得卿來作挂帆人雖近

諧謔可爲老年納少妾者作警夢鐘聲聽松廬詩話

摘句 得時不行道高位豈爲榮

多情亦一累實爲風雅根

渚白烟無際江流月有聲

風定孤烟直天遙獨馬沉

旅食登新穀還家替舊衣

閏年入夏花猶發積雨逢晴草怒生

徐洪鈞

字雙南江南宜興人諸生有栗亭詩集

雙南喜鈔書年六十右體拘攣仍用左手書品隲

本朝人詩共五十餘家多平允者

國朝詩別裁

摘句 混茫萬古心每於故紙寓

垂柳弄姿邀月駐落花無語任春歸

吳俊常

字子庸廣東新會人貢生有讀史吟遨遊草

李紹祖云子庸咏史詩百三十餘首代舉數人人

舉數事其體或近或古與會淋漓

粵東詩海

摘句

志自名三國何曾帝魏曹

陳壽

三分天下經營苦千載君臣際會難

諸葛亮

顧我錡

字湘南號帆川江南吳江人諸生有浣松軒集

鄂文端任江蘇藩司延訪人材湘南爲冠後舉博

學鴻詞文端奏請若爲湘南設也迨檄至而湘南

沒矣

國朝詩別裁

帆川先生所著有綱目志疑邑乘備考三餘筆記

堪著齋雜志浣松軒文集詩集

江蘇詩徵

摘句 篝燈入其中歛仄無尋丈翳逼誼可回上

壓不容仰前人未移踵時抵後人類屋洞

謝方連

字皆人江南宜興人太學生有香祖詩

皆人工短篇品在色香臭味之外

國朝詩別裁

摘句 早起杏花白飯牛人出門野田多傍水深

柳自爲村

欲扣酒家屏山橋一蓑冷

劉正誼

字戒謀浙江山陰人貢生有宛委山人集

先生早負詩名其派別得自西崑而出入於眉山
放翁間琴川閩秀張佩芬手錄先生詩日必吟誦
上元汪鶴田贈先生詩有云太史賞音傳荔浦美
人低唱隔琴川紀實也

越風

摘句

識過重瞳子恩先隆準公

漂母祠

三春花鳥迷鄉夢幾日陰晴換客程

砧杵一城秋有信關山千里雁無書

箕好風來畢好雨阿儂只是愛長晴

曹煜曾

字麓蒿江南上海人貢生有道腴堂詩集

先生從弟巢南

炳曾

有放言居詩集巢南弟春浦

煥曾

有長嘯軒詩集三昆齊名人比之劉孝伯

浦有句云酒力緣愁薄詩情到枕工極佳

聽松廬詩話

摘句

一洗羅襪塵踏霜曉無迹

水仙花

劉宗霈

字蔚園江南興化人諸生

蔚園性至孝父母病俱刲股以療既老創痕宛然

或見之則云幼時炭火誤炙也

淮海英靈續集

蔚園詩有云茶陵洵莫測私淑展士師耿耿一寸

心正人藉維持真能道出西涯心事

聽松廬詩話

摘句 天下爲己任何曾卑小官若非臨函海那

得見狂瀾

范公

周振采

字白民江南山陽人貢生

白民以經學品誼重於時制府瑚公以經學保舉

有篤志窮經持躬純樸之語

江蘇詩事

白民至京師病不就試詩宗選體時有遠致

詞科掌錄

摘句 一縷篆煙微裊處半壺家釀淺斟時平生

結習真娛老畫舫巾車共所之

手鈔子史書後

王應奎

字東澈江南常熟人諸生有邨南詩文鈔

東澈選海虞詩苑搜羅遺佚具闡幽苦衷

江蘇詩徵

王東澈柳南隨筆六卷續筆四卷頗資考證方朴

山謂遠希老學近埒新城不虛也中一條謂落鳳

坡出三國演義王新城弔龐士元詩不當著之于

題又謂雨絲風片出牡丹亭曲新城不當用之於

詩余謂士人旣以落鳳坡名其地卽以之著題從

其實耳雨絲風片用于秦淮絕句亦未足爲病然

其謂小說詞曲不可入詩文則誠篤論也如生瑜

生亮之語亦出演義人習而不察者多矣

聽松廬文鈔

余京

字文圻江南丹徒人有江干詩鈔

江干五日泛舟丁卯橋額聯云小橋疎柳唐人宅

落日寒潮楚客魂名句也

國朝詩別裁

江干三歲喪父貧甚母苦節教之讀書稍長卽筆

傭以養母孝子也爲詩名所掩耳

江蘇詩徵

摘句 林深遙見白路轉忽聞香

鄧尉探梅

繞墓梅花香裏骨一湖秋水澹傳神

林處士詩

異地關河悲客况暮年肝膽向貧交

殘年歲月雙筇杖吾黨乾坤一釣舟

許綬

字馨璽廣東新會人有雁洲草堂稿

邑令顧廷客延入詩社舉鄉飲賓不就

嶺海詩鈔

摘句 一年春最好萬物氣初交

有天圍白浪無地出青山

海安

秋烟撥破筇枝瘦藥草行多屐齒香

國朝詩人徵略卷二十四

番禺張維屏子樹輯

尹繼善

字元長號望山滿洲人雍正元年進士官至大學士贈太保諡文端有尹文端集

繼善詩沿溯中唐而以劔南石湖爲圭臬

八旗通志

雍正六年遷江蘇巡撫公奏衛丁州縣費各有需嗣後請米一石收費六分先給官丁使無不足然後一裁以法又奏平糶盈餘應存縣庫

上命開天然壩公不可適浙督李衛入覲奏明黃水小開

國朝言行錄卷三十四
無妨公覆奏李衛不問河身之深淺而但問河水之大小非知河者也倘河淺壩開宣流太過則湖水弱難以敵黃之強

世宗喜曰卿有定見朕復何憂

世宗嘗詔公曰汝知有督撫中當學者乎李衛鄂爾泰田文鏡是矣公應聲曰李衛臣學其勇不學其粗田文鏡臣學其勤不學其刻鄂爾泰大局好宜學處多然臣亦不學其愎也常一月間兼攝將軍提督巡撫河漕鹽政上下兩江學政九印彪列簿書填委而公判決恢然無瘁容亦無驕色猶與諸生論

文課詩每公餘一卷一燈如老諸生寒暑勿輟詩
成喜人吟聽至頓挫處手爲拍張或半字未安必

嚴改乃已

小倉山房文集

元長爲總督每遇大獄如盧魯生僞稿及邪教逆
詞諸案州縣審解株引萬千元長別白輕重量予
省釋不妄戮一人將有施設必集屬官會議曰我
意如是諸君必駁我至再至三使萬無可駁而後
已以故每一令下遠近莫不悅服

測海集

公薨時滿榻皆詩草前一月命諸公子作送春詩
西席解吉庵句云遺愛只畱庭樹好餘暉空托架

花鮮公動筆加圈歿後方知是識

隨園詩話

文端公歷任封疆晚歸臺閣承先啓後三代平章
史冊所罕觀也公入覲詩云疾苦未全登奏草

帝心早已切如傷直以民隱具陳實有古大臣風範

湖海詩傳

公白晳少鬚麋豐頤大口聲清揚遠聞著體紅癍

如硃砂目秀而慈長寸許釋褐五年卽任封疆年

三十餘遇事鏡燭犀剖和顏接物袁簡齋撰神道

碑所述如此余從公第十三公子蕉園宮保衙齋

獲瞻公遺像穆然想見休休有容之度焉

聽松廬文鈔

摘句 何人非過客去住爭先後

因看結子日轉憶種花初

遙山新雨過落日故人來

虛心何慮同心少敬事彌知處事難

大老何人爲老友尙書故態是書生

世間清福輸高士天上名星讓老人

隨遇而安忙亦樂逢場作戲老彌癡

不言家事知余苦頻寄征衣賴汝賢

寄內

興來覓句輸才子老去關心望後人

每看殘卷橫陳處苦憶當年下第時

一部聖朝循吏傳讀書人半愛民多

陳宏謀

字汝咨號榕門廣西臨桂人雍正元年進士官至
大學士諡文恭

公舉鄉試第一旋中進士選庶常改吏部遷御史
世宗懲生監代考之弊令自首免罪公奏不如寬既往禁

將來免胥役訪查滋擾

小倉山房文集

遷雲南布政使雲南改土歸流運糧苦遠公建短

運遞運之法按程交卸核數給直

同上

三十年中開府九省所到處必將各府州境內村
莊河道繪圖懸壁環覆審視又將興革事宜分條

鈎考纖屑必周久遠必計編次成書瞭如指掌
陝無水路惟商州龍駒寨通漢江灘險僅行小舟
公修濬鑿除遂成康莊

同上

在江南疏排六塘河之丁家溝展寬邵伯之金灣
壩開徐六涇白茅口以洩太湖築徐州蘇家山隄
以禦河漲卽以開溝之土築圩護田中通渠洞爲

旱潦備

同上

福建臺灣米賤例禁外糶民出洋者例禁歸里公

奏請開寬

同上

在河南植堤柳無數在陝鑿井二萬八千有奇造

水車教民灌漑其他義倉鄉學隨地建設

同上

公任事不分畛域亦不避嫌疑在湖南時聞江南
災奏運楚米二十萬石以助賑在西安時聞甘肅
軍需少錢請撥局錢二百萬貫以濟餉

上嘉其得古大臣體

同上

所薦人才如大名道陳法通政司雷鉉荆南道屠
嘉正皆人望也

同上

公以廣西人任兩廣總督由忠誠素著故得厚邀
天眷如此公所輯從政遺規訓俗遺規迄今讀其書者猶

沐公之教澤焉

松心
日錄

摘句 疾風勁草見盤錯利器別人生際屯蹇至
性乃昭揭

香爐峰勢最奇秀芙蓉面面生雲烟

鄭方坤

字則厚號荔鄉福建建安人雍正元年進士官充
州知府有蔗尾集

經稗鄭方坤撰雜採前人說經之文凡易書詩春
秋各一卷三禮共一卷四書共一卷以摭諸說部
之中故名曰稗言猶正史之外別有稗官耳顧諸
家無談經之專書篇帙紛繁頗難尋檢方坤能薈

稗衆說部居州分於考核之功深爲有裨

四庫提要

方坤天分旣高記誦尤廣故其詩下筆不休有凌

厲一切之意尤力攻嚴羽詩不關學之非

同上

方坤知邯鄲縣舉卓異擢知景州調河間同知遷

登州知府時禁人口出海抵奉天而未入籍者悉

勒還本土方坤言於大吏以爲司牧者但當嚴奸

宄之防不得閉其謀生之路遂奏請弛禁調武定

府歲大飢方坤請移登萊穀八萬石濟之且請發

帑銀截留濟南武定等縣漕米五萬石以備賑大

吏入告從之無何兗州飢調方坤治之因釋貧民

之奪富室穀而誣爲盜者百餘人以足疾自覓方
坤博學有才藻好網羅文獻著經稗六卷補五代
詩話十卷全閭詩話十二卷

國朝詩鈔小傳二卷嶺海文編嶺海叢編合近百卷

蔗尾詩集十五卷文集二卷

東越文苑傳

荔鄉與兄石幢有却埽齋倡和集頗著奇警

榕城詩話

先生孫澍若與余爲僚壻先生文章政事耳熟久
矣後得蔗尾全集讀之其詩頗好馳騁不甚規規
於法然才華旣富左旋右抽妙有真意以驅之自
非餽飭塗澤者所可及也先生與兄石幢先生競

爽齊名友于最篤先生有九女皆所鍾愛不惟愛
女兼且愛壻至哭道敷陳壻一篇老懷肫切老筆
紛披讀之令人增冰玉之重焉

聽松廬詩話

標題

消寒四詠

暖鍋土炕

火盆花窖

哭道敷陳壻

古五

摘句

金山如麗人明璫炫華屋焦山如靜女翠

袖倚修竹

介不三公易風猶百世興

柳下惠墓

衫痕梅子雨帆影米家山

無米卿仍名巧婦不才我合就粗官

夢逐心旌終夕擾官隨手版幾時拋

立監未許參贊筆職內如同設典
劇憐少婦終朝采祇博先生竟幅
道阻詎知晨撤瑟音沉永痛伯吹壙可能
華表歸丁令無分詩筒寄卯君

哭伯兄

陳祖范

字見復號亦韓江南常熟人雍正元年進士乾隆
十六年舉經學官國子司業有司業詩文集

經咫陳祖范撰其論書不取梅賾論詩不廢小序
論春秋不取義例論禮不以古制違人情皆通達

之論

四庫提要

詩直抒胸臆不煩繩削古人中去白居易爲近同
內閣謹奏陳祖范吳鼎梁錫瑛顧棟高四人臣等
知其平素品行端謹允屬潛心經學之士

感恩錄

乾隆辛未

詔舉經學令大臣集議論至陳進士祖范秦文恭曰不得
陳某則此舉爲無光衆驚問故曰癸卯陳某成進
士蔣文肅謂子有盛名今登甲榜而我又在朝今
歲大魁非君誰屬陳默然頤之趨出語其僕曰速
辦裝南下無令他日以我爲依附權門遂不與

殿試風節若此豈可遺之

蒲褐山房詩話

今人未嘗生古人未嘗死陳亦韓詩也誦之令人

亦愧亦憤後生有志者宜早求不死方矣

聽松廬詩話

摘句 苦樂宜均被譬如人一身半體雖獨活偏

枯爲不仁

析理戒穿鑿守道無窮通

道在官無小風清宦易成

雲端雙澗落雨外一峰晴

馬力健知遊冀北檉聲柔覺到江南

柯煜

字南陔浙江嘉善人雍正元年進士官宜都知縣
有石菴樵唱

康熙辛丑登第以磨勘黜落雍正癸卯復成進士
侍郎桐城方公所薦未及試卒官

詞科掌錄

摘句 長跪謝阿母阿母屢點頭折腰非爾願飲

水非吾憂

先生由知縣改教授是母是子論者兩賢之

牛背一鴉立夕陽人力鋤

尹會一

字元孚直隸博野人雍正元年進士官吏部侍郎
有健餘詩草

乾隆元年元孚遷河南巡撫遇大水桑常文忠題
清獻救災法行之編甲伍以詰盜命州縣皆分四
鄉立社學簡有德行者爲社長朔日月半書其孝
弟敬敏任恤者與其放逸奇袤爲患鄉里者有司
巡問觀察加勸懲焉數月民俗烝變測海集
摘句 雕弧控滿清宵月畫角吹殘紫塞秋

杭世駿

字大宗號堇浦浙江仁和人雍正元年舉人乾隆
元年

召試博學鴻詞官翰林院編修有道古堂集

三國志補注杭世駿撰是書補裴松之三國志注之遺松之注摭摭繁富考訂精詳世駿復掇拾殘賸欲以博洽勝之故細大不捐瑕瑜互見

四庫提要

召試博學鴻詞列一等第五授翰林院編修校勘

武英殿十三經二十四史纂修三禮義疏有先達以經說相質一覽曰某事見某書某說見某集拾唾何爲乎生平勤力著述所撰石經攷異榕城詩話詞科掌錄文選課虛漢書蒙拾續方言道古堂詩文集已行世鴻詞所業補晉書傳贊經史質疑史記攷異漢書疏證禮例續禮記集說兩浙經籍志

續經籍攷皆具草藁惟晚年欲補金史嘗構亭曰
補史亭丙辰鴻博諸公才皆出太史下著撰之富

亦無逾太史者

鑑止水
齋集

堇浦先生詩以嶺南集爲生平極盛之作題陳元
孝遺像五首悲涼雄壯恐非樊榭實意所能

隨園
詩話

堇浦先生書擁百城胸羅四庫入翰林未久卽以
言事罷歸沈文愨公送之有句云隣翁旣雨談牆
築新婦初婚議竈炊葢深惜之也旣歸益肆力于
詩古文詞海涵地負日光玉潔實足以雄長藝林
兩浙文人自黃梨洲先生後全謝山庶常及先生

而已

湖海詩傳

乾隆壬申堇浦先生來粵主講粵秀書院甲戌乃北歸先生在粵與何西池及先外祖耿湘門兩先生最稱莫逆先外祖于濠畔關素舫齋先生時過從談讌有句云風流吳楚朋襟接天色西南雨脚賒傳語重城休上鎬酒邊正要說梅花可想見文酒清豪苔岑契洽也先生在講院曾取杜詩全集溫誦一過並加圈點此本余猶及見之而先生嶺南集遂爲全集之冠蓋得力于少陵卽此可見天分極高亦必有藉於學力矣

聽松廬詩話

先生博聞彊記口如懸河時方靈臯侍郎以學問
負重名先生獨侃侃與辨靈臯亦遜避之袁簡齋
輓先生詩有云橫衝一世談天口生就千秋數典
才蓋紀實也

同上

嶺南集中有題獨漉先生遺像五首詩云南村晉
處士沙社宋遺民湖海歸來客乾坤定後身竹堂
吟莫雨山鬼哭蕭晨莫向匡門去霜風政撲人秋
井苔花漬荒廬盛氣蒸飛潛兩難問憂患况相仍
拄策非關老裁衣祇學僧淒涼懷古意豈是屈梁
能巢覆仍完卵皇天本至公蓼莪篇久廢薇蕨採

應空劫已歸龍漢家猶祭鬼雄等身遺著在泉下
告而翁嶺海論風雅平生一瓣香曉音動巖壑幽
意到羲皇掩卷驚波定停盃落日黃清高仰遺像
肅拜涕霑裳袁粲能無傳嵇康亦有兒古人誰汝
匹信史豈吾欺寂寞今看畫蒼涼祇益詩懷賢兼
論世淒絕卷還時弔古懷賢知人論世字字精切
句句沉雄浣花翁而後五律罕見此手

同上

月蝕詩近體未見佳者當以先生之作爲獨絕詩
云頑雲竟野失重輪何藥能醫奔去聲月人想見蚌
胎空溢淚不圖瓊戶易生塵開筵坐待將蘇魄對

鏡誰憐痛定身擬到廣寒相問訊一天風露轉淒
神月蝕後每風露濛濛一結足令月姊含顰素娥
掩泣先生有感於亡姬故不覺情詞悽切如此同上
標題 聖與圖古七 南漢金塗鐵塢歌古七 端州

拜八節祠作歌古七 會宿素舫齋古五 鬼

子儵古七 龍溪興復黃文節公廢祠古七

彈子磯古五

摘句 僧房長對啓佛樹不孤撐

客久長疑夢愁多不當春

歸程約飛鳥鄉信問來船

沙明鷗晒翅月曉虎畱蹤

萬里行完初放眼九秋悲後獨憑闌

拱北樓

玉澗萍開飛急雨石牀花動下幽禽

蜃氣三春侵畫堞駟夷百戰息琯戈

風磴綠書千个竹水亭紅亞一叢花

白雲山中白雲寺僧與白雲互主賓有時

山僧踏雲出白雲與僧作主人

松濤怒挾將崩石海氣遙封未泄雲

野氣跨江開夕照媼神鞭地起奇峰

西清風月神仙貴東序鐘鏞國子尊捧日

頓教誇晚遇飲冰才得轉春溫

落第與子年途幸盡

者給與新銜徐文靖授檢討王任湖林王藻皆授助教王延年以助教竟晉司業

僮僕從與勤服散親交敦勸少看書

將別心知常眷眷不言意豈欲云云

誰申千佛名經拜待展真靈位業圖

桂榜山

地下故人頭尚黑不須惆悵鬢毛斑

金志章

字繪白號江聲浙江錢塘人雍正元年舉人官口

北道有江聲草堂集

志章性耽撰述續兩鎮三關之志輯吳山志

杭州府志

江聲終日登陟不厭予謂爲烟霞水石間客

尊聞錄

金江聲性極閒曠曉起溪頭尋梅花賦詩云橋邊

雙槳客攜酒竹下小船人賣魚

梧門詩話

摘句 汴水大風來泗上呂梁飛雨渡黃河

風林白蠟收蠻女社鼓荒祠賽黑神

荷葉水香千點露豆籬蟲語一鉤絲

白鷗傍槳自雙浴黃蝶逆風還倒飛

王安國

字書城號春圃江南高郵人雍正二年

賜進士第二人官至吏部尙書諡文肅

公典試福建一榜成進士者四十大學士葛山
蔡公與焉巡撫廣東向例江西應撥廣東漕糧十
萬石汴灘越嶺輓運維艱公請改撥湖南一水可
通官民稱便公察吏不苟舉劾每曰官數易則民
不靜而吏滋奸且大吏平昔董戒何事也

淮海英靈集

文肅晚年充會典館總裁所撰欲上比周官公歿
子懷祖好學深研經義小學尤精孫伯申以第三
人及第春華秋實兼擅其長皆公之遺澤也

湖海詩傳

摘句 谷幽光易暝江遠聲逾稀

修竹翳層陰危松綴殘雪

汪由敦

字師茗號謹堂安徽休寧人雍正二年進士官至

吏部尚書贈太子太師諡文端有松泉詩文集

由敦記誦淹博文章典重有體

提要四庫

張文和公

延玉

薦文端入軍機處以代其勞

簪曝雜記

公倬直

內廷幾三十載清和恭謹上結

主知公卒後哲嗣承需囑趙君翼編次其集繕錄進呈

上製詩以弁其端

湖海詩傳

摘句 九旗懸日月萬騎蹴冰霜

南苑大閣

地是周靈囿城連漢上林

王峻

字次山江南常熟人雍正二年進士官監察御史
有良齋集

良齋素行侃侃彈都御史某視趙用賢之彈張江
陵奪情則又過之詩亦英爽如其人

國朝詩別裁

先生謝病歸蘇州爲紫陽書院院長巡撫雅公蔚

文小有過舉必面折之自來院長所罕見也

湖海詩傳

摘句 輿夫喘不前號呼兩繩曳盤紆至山腰身

已入雲際

斗狼箐其險峻如見誦詩

晚來投店滿衣塵童僕相看不相識

李重華

字實居號玉洲江南吳江人雍正二年進士官翰林院編修有正一齋集

玉洲詩話二卷可希風昌穀談藝錄

詩別裁

玉洲謂詩有三要發竅於音徵色於象運神於意

三者缺一不可

國朝名家小傳

標題 劔閣

五古

摘句 我嗟衛道人曾未預配食盲左既酬功腐

遷何愧色

沈歸愚曰史遷羽翼之功不可沒配食廟廷前人未聞此口

雙岬翠影侵天合萬竅雲根入地空

五丁峽

九土橫分雄地軸三邊總會扼天關

居庸關

諸錦

字襄七號草廬浙江秀水人雍正二年進士乾隆元年

召試博學鴻詞官贊善有絳跗閣詩

手詩說諸錦撰不釋全經惟有所心得則說之用

劉敞七經小傳例也

提要四庫

朱文藻曰草廬畱心耆舊手輯諸家之詩題曰

國朝風雅凡十二冊未經編定付刊

兩浙輪軒錄

摘句

白日午不到清齋人獨醒

天竺

九秋易灑登高淚百戰重經廣武場

嚴遂成

字崧瞻號海珊浙江烏程人雍正二年進士官雲南知州有海珊詩鈔

明史雜詠嚴遂成撰劉三吾一首謂太祖欲立燕王爲三吾所沮釀靖難之禍不爲無見

四庫提要

浙江總督上蔡程公合試一省之士海珊爲第一

旋遭母喪不與試

詞科掌錄

跳珠濕滿身手與霹靂鬪寫上險灘如見

聽松廬詩話

摘句 此山空其中上土下則石萬竅搜天根一

綫貫地脈

蘇門山百泉
出此山下

池深魚氣靜樹密鳥聲歡

鰕聲離岬小山氣壓城寒

鵬盤大漠寒無影冰裂長河夜有聲

一死平生文信國千秋奏議陸忠宣

史閣部

雨方得氣能醫草風自生香不借花

怪他去後花如許記得來時路也無

桃花

無數垂楊遮不住好風吹出讀書聲

周長發

字蘭坡號石帆浙江山陰人雍正二年進士乾隆

元年

召試博學鴻詞官侍讀有賜書堂集

長發詩才敏捷富贍有餘而微傷於快

四庫提要

長發兩奉

使祭告嵩華吳山江淮瀆

紹興府志

學士曾賦覺生寺大鐘歌應制稱

旨揮毫敏捷不亞張宮詹

越風

摘句 密箐暗四圍修蛇通一綫皇天設此險秦

蜀於茲判

五丁峽

一日百箇眞作手十年三賦早名家

王文清

字延鑑號九溪湖南寧鄉人雍正二年進士官宗
人府主事有鋤經餘草

有論詩法十條其門人錄以冠集

提要四庫

熟精三通著有考古源流二百餘卷循例當外補

兩中堂薦修三禮奏授中書科中書

詞科掌錄

摘句 秋水淼茫涵雁影東風滌蕩起湖光微官

不縛山人性消受清閒得草堂

國朝詩人徵略卷二十四

國朝詩人徵略卷二十五

番禺張維屏子樹輯

胡方

字大靈廣東新會人貢生有鴻梅堂詩文集

方由番禺籍補諸生敦崇實行註周易六卷四子書十卷句梳字櫛居喪稻草藉柩旁地寢三年不入內先人田廬悉與弟而自以硯耕元和惠士奇上薦疏略曰臣視學廣東每試一郡輒問其鄉之人物欲得積學力行有道而文者爲諸生楷式獨番禺歲貢生胡方品端學醇一介不苟五經盡通

能詩工書註易及四書多所開發接理學之傳粵人比之陳獻章其教人從日用酬酢求義理從尋常應對見文章大要以力行爲主不徒語言文字也惜其年衰老不能効奔走之勞伏乞

賜之命服併依古養老之禮令有司月致酒粟以寵異之

俾士子咸知讀書立品

廣東通志

金竹先生學醇矣而余尤歎其品之高也始惠公訪先生先生以學政未蒞事不可見其不見固宜其後事畢先生往見但長揖且曰方年邁無受教地不能執弟子禮揆之常情似近於倨傲而惠公

益重之蓋惠公惟欲得一經明行脩者而加禮之
以爲多士勸初不敢有羅而致之門下之意而先
生之守己自重則誠無忝於公之知觀於此而後
歎兩賢之相得益彰也吾粵百餘年來言學使之
賢必首推惠公無異辭者嗚呼有以也夫

聽松廬
文鈔

標題

神話

形辨

五古

飛龍引

七古

摘句

少壯不力今已老萬事欲爲終草草但覺

胸懷方寸間一回醉去一回好腐腸爛胃

耽則那無用之年何必多

歛手本疑藏拙巧高蹤原與釣名鄰

沈炳震

字寅馭號東甫浙江歸安人貢生有增默齋集

九經辨字瀆蒙沈炳震撰是書校正九經文字排
比鉤稽頗爲細密可以因文字之異同究訓詁之
得失於經學頗爲有裨

提要 四庫

世宗憲皇帝之舉詞科也先後應召者二百餘人而著書
之多莫如沈東甫其最精者有新舊唐書合抄二
百六十卷折衷二史之異同而審定之而尤莫善
于宰相世系表之正譌方鎮表之補列拜罷承襲
諸節目是可援王氏漢書藝文志考證之例孤行

于世者也九經辨字則小學之精梁也讀史四譜
則三通之羽翼也唐詩金粉等書則騷人之鼓吹
也東甫沒六年而錢侍郎陳羣以東甫唐書奏于
天子有詔付書局時方令史館校勘唐書諸公得之大喜
盡采之於卷中

鮪埼亭集

摘句 朱門羅綺賤如土繰絲誰惜貧家苦絲成

織錦更不辭但願莫忘繰絲時

沈彤

字冠雲號果堂江南吳江人諸生有果堂集

周官祿田考沈彤撰歐陽修有周禮官多田少祿

且不給之疑後人有辨者不過以攝官爲詞彤獨
詳究周制分官爵數公用數祿田數三篇凡田爵
祿之數不見於經者或求諸注不見於注者則據
經起例推闡旁通補經所無乃適如經之所有其
說精密淹通於鄭賈注疏後可云特出四庫提要
冠雲潛心經學長于古文閣學吳公所薦詞科掌錄
果堂親沒三年中不苟輦不內寢荻汀錄

摘句 高才肯折節傲骨取時忌

吳穎芳

字西林浙江仁和人
有臨江鄉人詩集

先生赴童試爲役隸所訶自是不復應試壹志於
讀書嘗謂律管音調諸儒能致其說而不能習其
器俗工能習其器而不能得其說遂案典籍證衆
器成吹匭錄五十卷次及六書尊許氏之說成說
文理董四十卷因六書而及音韻成音韻討論四
卷又因說文而考制字之原成文字源流六卷又
取鐘鼎文字成篇可讀者釋文箋義成金石文釋
六卷又取爾雅本草諸書證其同異聚物之解毒
者百餘種造爲丸名曰綠髓療創腫立愈
春融堂集
製小筒削竹籤書賞花釣魚圍棋賦詩鼓琴吹笛

等事置筒中客至隨手拈一事與客共之

兩浙輶軒錄

摘句 一鳥唱晴色西園花亂開詩成向天笑酒

熟待人來

天懷幾童子猶勝禮法人

春花落盡閒山屐明月佳時住水村

貧士出門非易事豪門投刺豈初心

田間住却攜鋤手來與諸公話白雲

金農

字壽門號冬心浙江錢塘人有冬心集

壽門嗜奇好古收儲金石之文不下千種足跡半

天下詩格高簡

詞刊掌錄

幾年五十餘始從事于畫涉筆卽古

杭州府志

壽門構前江後山書堂中著經籍圖史有冬心集手錄付女兒收藏題五絕句有云卷帙編完髮疎中郎有女好收儲帽箱剝落經籬敝莫損嚴家

餓隸書

槐塘詩話

壽門不事生產寄食維揚幾二十年賣文所得歲

計千金隨手散去後客死揚州

兩浙翰軒錄

摘句 他鄉樂亦苦淚滴酒杯間

多雨偏三月無人又一年

苔

佛烟聚處都成塔林雨吹來半雜花
孤竹瘦於尊者相野雲白似道人衣
消受白蓮花世界風來四面臥中央
團坐繩牀夜聯句百蟲啼雨葉堆門
隻字也須辛苦得恆河沙裏覓鉤金

李 錯

字鐵君一字眉山漢軍人有曉巢集

尚史李錯撰康熙中鄒平馬驕作繹史是編以驕
書爲橐本蓋體例準諸史記而排纂之法則仿路
史而小變之自序謂閱十六載而後就其用力頗

勤翦裁排比使事迹聯屬語意貫通體如詩家之

集句於歷代史家特爲創格

四庫提要

鐵君先世蜀人父輝祖官少司寇又大學士索額圖介婿獨耽清寂依祖塋隱盤山廡青峰下號廡青山人又號焦明子自爲傳曰焦明子有靜癖喜行無人徑嗜茗爲鐵鎗瓦缶使奚所至負從之每茶煙起水石邊樵采者咸知爲焦明子也

詞科掌錄

鐵君生於華胄娶於貴戚而翛然遠引自得泉石

間趣可謂高人詩格亦高五言尤多健作

聽松廬詩話

鐵君自營生壙旣成作詩有句云固應無物還天

地或不將身玷水雲可想其曠然高潔之致

同上

標題

當來日大難

七古

贈李雄李庫兄弟

七古

摘句

君有高堂在誰能更阻君大江下秋水遊

子似歸雲

風雪殘書在蛟龍一劒神平生負奇骨不

敢辱微身

衆木正如夢一枝方自春遂令江上水真

見獨醒人

梅花

關禽雙墮地交蔓各升籬

陳景元

字石閭漢軍人有石閭詩集

景元詩雖漢爲宗而性既孤僻思復刻峭結習所

近乃在孟郊賈島之間

四庫提要

戴遂堂

亨

陳石閭

景元

馬雷溪

長海

號遼東三老

石閭擬古諸作亦第聲貌之似耳雷翠庭鈎摹刻

之殆甚重其人耶

聽松廬詩話

摘句 人依山鬼宿星代月華明

玉女洗頭乘夜露巨靈舒掌逆秋風

華嶽

周京

字少穆號穆門浙江錢塘人貢生有无悔齋集

厲鶚序以高岑比之今觀其詩在詩社中亦足傾

倒流輩若方駕古人則又當別論矣

提要四庫

穆門娶婦賢而不得于其姑卒困悴而死穆門事母孝不敢有幾微見於顏色然私憐其婦終身不

更娶以報之

鮑琦亭集

摘句 野鷗導我有閒意新柳笑人成老夫

風從荒野過來橫

去聲

雪向雲山莽處明

丁敬

字敬身號鈍丁浙江錢塘人有龍泓山館詩鈔

敬好金石文字著武林金石錄

杭州府志

先生精刻印章人得其一寶如球琳

碧谿詩話

摘句 微月破春暝疎梅耿寒意

寵梅念竹有真意剪水斷冰無俗痕

挂腹經書如水瀉熏天富貴等雲浮

姚世鈺

字玉裁號薏田浙江歸安人諸生有孱守齋稿

平生學問以何焯爲宗

四庫提要

薏田詩古文清雋高潔授徒江都卒無子馬曰琯

曰璐張四科料理其身後收拾遺文開雕焉

結埼亭集

摘句 妙山呼不來隔水立哭兀

菱葉荷花水楊柳豆棚瓜架竹笆籬

添得黃梅三日雨家家門外有魚簪

長海

字匯川號清癡滿洲人有雷谿草堂詩

長海父馬期官都統征雲南有功授鎮安將軍長

海以功蔭宜補戶部庫使未補以布衣終

八旗通志

匯川又號大益菴主嘗襲裘往弔所親劉氏喪劉

氏貧匯川濟之解其裘歸塗見所未見書買之解

其衣由是中寒疾乃夷然伏枕曰獲多矣

熙朝雅頌

摘句

寒林雙闕寺野火六朝墳

牛首

雲似客閒朝出岫鶴如人立夜聽經

雲飄組練歸榆海花滿弓刀入玉關

西師振旅

桑葉半稀蠶盡老綠楊門巷賣新絲

金 縷

字絲五號連城江南吳縣人官訓導有蘊亭稿

先世居廣東縆移居於江南遂爲吳縣人

四庫提要

蘊亭詩負奇氣不肯一語庸下

國朝詩別裁

摘句 寒潮月稍落漁浦烟初起須臾沉霧迷不

辨天與水使我神恍惚置身雲海裏

柴桑有處士襄陽有遺老盡室入蓬蒿終

年顏色好

李果

字碩夫號客山江南長洲人有詠歸亭詩鈔

大理李公欲任以鹽筴力却之

國朝詩別裁

客山艱苦力學忍饑誦經巡撫雅公造焉避而不

見時人兩賢之

湖海詩傳

摘句 江船搖夜雪山驛繞寒花

獨從天下關憂樂尙想胸中富甲兵

范文正祠

計元坊

字維嚴江南吳江人諸生有春山草

維嚴爲甫草先生孫硜硜自好詩有源流

國朝詩別裁

摘句

人方危苦時薄施輒感德自昔奸雄輩持

此羅上客蔡邕依董卓有才而無識受恩
旋殺身士貴能挺特所以孟夫子舖設戒
樂克

鮑 鈐

字冠亭一字西岡號辛浦漢軍人官長興縣知縣
有道腴堂詩

鈐著有亞谷叢書稗句

熙朝雅頌

辛浦知長興縣彭城李敏達公督浙治尙綜覈而

辛浦癖在賦詩彭城謂湖守曰長興令曰賦詩吾
將列之彈事矣湖守謝曰當令改之退而戒辛浦
於是辛浦東筆度硯者三日謂其客曰下官忍不
可忍矣惟大吏罪之賦詩如故然辛浦百事脩舉
部民頌之彭城徐察之不復怒也

鮑琦
亭集

日來一病竟入膏肓從此化爲異物長辭左右可
爲歎息一生偃蹇毫無可錄祇操履粗堪自信吟
咏聊以自娛寂寞身後惟先生憐而念之伏枕哀
祈泣然絕筆此鮑西岡臨終與全謝山先生書也
西岡以身後之文托之先生可謂得其人矣

松軒
隨筆

摘句

鸞環避石角巧閃爭一綫舟行險狀

暮雲湘水雁春雨練湖船

大節並推顏魯國孤忠直繼段司農范忠貞祠

又是天涯寒食節菜花香裏過塘西

謝淞洲

字滄湄江南長洲人

滄湄畫師元人得四家意趣精于鑒古

世宗皇上出內府所藏

命其鑒別一一不爽

國朝詩別裁

摘句

野客聞鶴鳴山僧報茶熟

歸人自城市負荷返柴扉

黃子雲

字士龍號野鴻江南崑山人有野鴻詩稿

野鴻布衣能詩有某中丞欲見之黃不可題一聯

云空谷衣冠非易覲野人門巷不輕開

隨園詩話

摘句 戰國風趨下斯文日再中

孟廟

一氣涵諸夏層波走百蠻

望海

六代詩壇餘此席一江春色獨登樓

太白樓

村角鳥呼紅杏雨陌頭人拜白楊烟

翁照

字朗夫號霽堂江南江陰人太學生有賜書堂
朗夫事上接下以誠以禮嵇高二相國先後以鴻
博經學薦皆不遇

國朝詩別裁

霽堂嘗寓朱家後其人通賦歲暮被繫霽堂適經
其地出脩脯代償歸橐罄如告之配歡如也

歸愚文鈔

摘句

孔光譖王嘉浸潤致之死馬融排李固承

順權臣指平生讀何書適佐貪且鄙一念
入奇邪百世人不齒

煙波雙鬢老風雨一身秋

蓑衣

一徑入紅葉數峰橫翠微

友如作畫須求淡山似論文不喜平
小樓夜半朦朧月深院秋千澹宕風
一聲啼鳥破春寂數點落花生暮寒
春寺煙深聞弼鼓午塘風暖度飴簫
夾岼綠陰垂柳渡滿篷紅雨落花天

過春山

字葆中號湘雲江南長洲人諸生有湘雲詩稿

湘雲家居市井性愛邱樊博通羣籍尤精于新舊

唐書嘗爲補遺糾誤未及成而卒

湖海詩傳

湘雲詩澄澹而自然宜蘭泉侍郎激賞之

聽松廬詩話

標題

中峰水明樓

五古

雪中簡吳竹坡

摘句

涼風落山果微雨長秋蔬

亂山開夕照獨鳥下寒村

雨餘芳草長春冷雜花稀

浩劫留詩卷名山老布衣

晴雲生古石空翠落長松

新霜變木葉斜日亂溪流

明燈臨水飯欹枕對鷗眠

周永銓

字昇逸浙江錢塘人蘇州籍諸生有東岡詩鈔

昇逸修己自好不肯見人惟家方舟與余過之談

諧不倦予通籍歸里後並不能一見矣

國朝詩別裁

標題

義卒行古

戰城南古

摘句

君家在溪側我家在江邊溪光江色兩瀟

灑往往相思乘釣船

漢家雨露提封外春色遙應度玉關

周準

字欽萊號迂村江南長洲人諸生有迂村漫稿

迂村游武昌沔漢興盡而返不謁一人後之京師

一如遊沔漢時昔有人問高僧曰京師許多人僧

曰只兩個人一爲名一爲利迂村超然名利外是
京師有三個人也與余同輯

本朝詩皆蓋棺論定者臨終含笑謂所親曰我幸甚

我詩可入別裁集中矣

國朝詩別裁

迂村詩傾耳聽泉聲聲喧意彌靜余宿雲泉山館

蒲洲泉聲潺湲不斷益有味乎其言

聽松廬詩話

摘句 不知曉雲過但覺衣裳冷

行經陰洞中恍惚陷深井須臾從井出冉

冉首露頂

已知生死斷猶作別離看

孝穆荒齋猶竹石總持故宅尙鶯花

拂水山莊

盛錦

字庭堅江南吳縣人諸生有青嶼詩鈔

青嶼詩以入蜀爲第一世人輒以杜少陵王新城爲比不知少陵由秦階經桔柏渡而至劍關新城從鳳翔寶雞經漢中以至寧羌陸路不同若青嶼取道歸州穿夔巫入城都卽吳漢伐公孫述之路亦卽放翁入蜀新城出蜀之路其地雖皆屬天彭井絡而山川形勢迥殊放翁雖有鐵馬西風大散關之語其後封爵渭南而南北棧實未按轡及之

故諸公摹寫山水各傳其勝論詩者乃并爲一談

正如屈蛟之蠱方隅之眼宜見笑於通人也湖海詩傳

標題

十二碁

五古

空舸峽

五古

摘句

亂鴉僧閣外殘月女牆西

風雲經百戰筋力盡三邊

老將

霸氣餘三國江聲走百蠻

白鹽峰對城頭出巫峽帆從地底來

遇主名高三禮賦懷人心折八哀詩杜文貞祠

半江殘月欲無影一岼冷雲何處香白蓮

點檢篋中裘葛具預知別後寄衣難

朱受新

字念祖江南吳縣人諸生有木鳶詩稿

詠蟬云如何忘遠舉飲露已清心木鳶爲諸生不

應鄉試抒寫懷抱已見此詩

國朝詩別裁

摘句 君王自愛傾城色卻忘人從敵國來

吳宮詞

夜靜看花人獨立水晶簾外月如霜

白秋海棠

李勉

字嘯村江南懷寧人諸生

嘯村最長絕句溫子昇云文章易作逋峭難爲若

嘯村者不愧逋峭矣

隨園詩話

廢園云誰家亭院自成春窗有莓苔案有塵偏是
關心隣舍犬隔牆猶吠折花人青溪云粉牆經掃
落花塵一帶樓臺樹影昏雨細風斜簾未捲縱無
人在亦消魂李嘯村絕句也傳作不在多聽松廬詩話
摘句 楊柳晚風深巷酒桃花春水隔簾人
春服未成翻愛冷家書空寄不妨遲
賣花市散香沿路踏月人歸影過橋

邵岷

字百峰江南元和人諸生

百峰登覽之作尤勝

詞科掌錄

標題

游草堂寺

五古

趙忠愍公得諡詩

七古

摘句

事往憤猶結
悟來悲亦休

殘旗孤壘月
哀角五更霜

人以風塵賤
詩兼鬢髮蒼